

浙江府縣志輯

中國地方志集成

光緒嚴州府志

中國地方志集成

浙江府縣志輯⑧

光緒嚴州府志

江蘇古籍出版社 ● 上海書店 ● 巴蜀書社

中國地方志集成
浙江府縣志輯⑧

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二四八元

責任編輯

盧建幸
王海浩

封面設計 范一辛

1993年6月第1版 1993年6月第1次印刷
ISBN7-80569-819-8/K·114

沪新登字119号

重印嚴州府志叙

州之稱府昭於南宋而首自嚴宗初太祖
祖召遠領嚴州六宗又嘗為嚴州圖
練使建都臨安後分屬於嚴而承大統
者復有二王嚴州為地帝潛龍之地
左與升州為府斯時天下稱府者四而

嚴州府志

卷首叙

一

浙居居二一為嚴州府其一乃永嘉府是
嚴州之於府制實是異談史考一大陸明
胡元稱帝不知府與州隱具階級舉州
盡署總管府府通之而府仍舊嚴州
稱建德府洪武統一尋復為嚴州承明
制概襲舊稱宣統間經裁府而旋即

復光復之始各州軍政皆稱分府不三月撤

官自此各浙遂無府制江寧定都縣與各
級同稱政府府之名過不專二十二年浙
中治兵各區增設專員而不置府府
州盡之越歲蘭谿各員移駐建德而府
仍不在去年專員總駐吳興舊時之縣

嚴州府志

卷首叙

二

分隸各處建德為附廓之縣行政區改
隸蘭谿賴以留有嚴州舊稱者僅一浙
立中學此次選舉舉區建德等縣劃歸
於衢相廬等縣又劃歸嘉興與破碑支
離莫此為甚係自改富春為建德孫權
父子遷徙富陽而轄於杭故相廬劃歸

嘉興而臨居不處於必勝高古釣臺
併入御兒鄉志百世而下且不知舊州
何以有茲謚溪同嚴州何以獨先稱府
我縣長王又惟吳預見及此以府制既
除考獻徵文責在旁貸秘書袁又字
白為相廬忠節公謚佖原舊州舊屬

嚴州府志

卷首叙

三

力與贊同議將舊嚴州府志不增一語
茲讀震印集會纂備牒舊屬各縣分
承銷數生事至更其核至真至功至鉅
非謂當日搜羅已臻六備以是志輯自先
緒初歷年僅踰六十能得此琳瑯鉅表
信之矣禔或足勸後賢懲舊之思過

烏石主靈巖七里瀧風颿如昨望古溪之
荒隄三元坊兵火餘經俯仰舊疆曷務懸
帛南通張季直云建德公漢富春改道
曰歙東道通沿溪例駐在富春以扼三
江雖時異勢殊對於方志實是為烏執
老矣謬承不棄累叙緣起於此至府之前

嚴州府志

卷首叙

四

何以稱軍州之外又何以名郡自有嚴州
圖經與景定志在而不回杞宗無微也
闕心舊治者儘可按圖而索云

民紀二十有五年十月

吉旦

舊屬建德王 敕謹撰

建德胡石震書

重刊嚴州府志序

修志與作史異龍門叙三皇至秦漢之事為書祇一百三十卷其後一代之書卷帙多增於遷書至宋史今為四百九十六卷矣史才之優絀難以尋丈計修志則不然某郡某縣之志則必某縣某縣之疆域山川人物風俗學校選舉金石藝文以及一切興

卷首序

廢沿革建造之事搜羅必廣年月必書庶足備後世史臣之採擇論者謂明康海武功志僅三卷其簡要為歷代志書之冠非通論也嚴陵於宋為睦州後改遂安軍紹興年間有遂安軍志若干卷度宗嘗領節度使即位後升為府於是教授鄭瑤學錄方仁榮譔景定嚴州續志十卷附錄於紹

興舊志之後今紹興志軼不傳而景定志猶有存者其戶口門載甯宗楊皇后為嚴州人足以訂宋史之謬固地志之善本也自是以後嚴州志多不傳其傳者祇萬厯志二十四卷而已卷首題名不著誤人或曰主修或曰同修或曰纂修或曰續修或曰彙集體裁贅襍其不及景定志遠矣

卷首序

二

國朝康熙二十二年郡守任君重輯府志至乾隆二十一年吳守士進始槩行之其書差勝於萬厯志今嚴州守桐城吳君春泉重刻是書問序於予予奉

命

巡是邦二年於茲矣搜輯文獻固今內事而吳君獨先予為之則其勤於民事也可知雖然予聞嚴陵山水甲天

下自嚴先生後山林隱逸之士多有
崇尚氣節維持世風者若唐之施肩
吾方干徐凝周樸宋之方夔何夢桂
其著也謝皋羽遭亂後亦嘗流寓其
地至今讀西臺慟哭記猶慄然有生
氣方今新遭亂離嚴州為新安下流
被禍尤烈豈無一二隱君子矢志不
屈如皋羽其人者吳君擬援景定志

卷首序

三

例於舊志附刻數卷幸博訪而備登
之無使潛德幽光湮沒於

聖明之世此則予之所厚望也是為序

光緒九年太歲在昭陽協洽相月上
旬二品廕生花翎三品銜分巡浙江
金衢嚴道兼管水利事務長白聯綬
謨

自古記載之書未始不新志莫如
守舊獨邑之遠年湮編殘簡所
不惟增新體且守舊之難是不得
不急求守舊之策也按嚴州府志
係前明太守呂公昌期所修近已不可
得見嗣後雖康熙二十二年守

卷首序

一

任公風厚所輯錄為乾隆二十年前
守吳公士進所刊行者最稱詳備然
吳序已云志書終有前守任公所鈔
錄者為草創底稿而自任守以後
至今七十餘年漫無紀錄散佚甚多
矣況自吳守序刻任稿之後至今

又越百二十餘其散佚為可復向哉
余於光緒戊寅十二月奉

命采宇是邦檢查郡志僅有二十六卷

雖是殘缺為是蘭亭初印余於是
廣搜訪訪徧為年餘竟有異書
荊州之憾庚辰秋相庵司訓海墘

卷首序

二

高君鵬年采郡志試袖出全書惜

印時板已漫漶字跡半多模糊仍未

得窺全豹每思校正翻刻山城僻陋

手民頗難其人子妻向衡州府志刻歲

因居教授殷甫鄒君相森赴衡訪覓

梓工重鐫後函商前分水司諭士伯

許君仁杰於杭州府通志局假得浙江

通志並嚴州舊志補缺訂訛卷帙粗

成完備或疑此志已久幸有續修第

六屬縣志未成府志即仍續修是

下手人雖以地新相待余惟以守舊

自期實得舊志刊板印存銷亡都

卷首序

三

盡若再任其散佚勢必至一郡六邑

文社無徵何如憑此翻刻奉以潮

涸源為有以存什一於千者此余所接

卷太息諫策不得已而出於翻刻者

也後之覽者或為諒余之苦衷而

恕其謬陋歟若夫忠孝節義性

名有案卷可稽者擬附刻三卷以免日久湮沒此外人物鄉賢限於採訪未及備登其職名選舉姓名及士子登科入貢有可查考者均擬分別附列所有未盡一切事宜留待後集博雅君子彙集大成以垂法久遠焉

卷首序

四

光緒九年歲次癸未夏五月三品銜補用道知嚴州府事調補杭州府知府桐城吳世榮謹後并書

續脩嚴州府志序

光緒丙申秋余奉

檄權守嚴陵俗尚畝樸政刑清

簡始信嚴州古稱睦州睦之取

義殆以是矣公退之暇檢閱

卷首賀序

郡志係前守桐城吳君春

泉所重輯者匪擾以後各郡

縣志散佚過半嚴一僻壤

獨毅然以守款抱殘自任使

百餘年興廢沿革忠孝節

列爵然表著於風霜榛莽之
餘則吳君之有功於嚴良水淺
鮮其書成於壬午距今廿餘
年耳其間山川壘域人物風
土大都無所損益惟職官

卷首 賀序

二

選舉節列數大端六邑之中
歲增凡幾恐閱時既久雖廣
搜博採難免疎漏是以古者
邦國圖籍三年一脩思其
久而佚焉則增新續舊搜亡

補遺非守舊者之責歟惜余
蒞茲未久祇代屆期未及考
覈周詳續訂全志惟吳君
以後官師之選替科目之
堂進節列之表揚歷年

卷首 賀序

三

未遠一一可稽補而刊之或
六士壤細流之一助乎後之
者勿謂予以徒漏也可時
光緒二十有三年歲次丁酉
夏五月花翎塔運使銜補

周道冰江候補知府署理嚴
州府事蒲圻賀正越謹
識并書

卷首 賀序

胡序

胡拱辰

太守李公重修嚴陵志成屬予序焉予惟夏之禹貢周之職方志之始也春秋之列國史秦之丞相府圖籍漢之司空輿地圖志之漸也唐宋之地圖宋之圖經明之郡縣志志之備也秦漢以上無庸考矣地圖在唐三年一修上之在宋閏年一修上之圖經又在大中祥符中修之儒臣而頒之天下郡縣志在永樂景泰中凡再修而再上焉地圖未之見圖經猶有存者而郡縣志今皆採入大明一統志矣唐宋出常制圖朝出特命頒此何自耶蓋景泰中嚴郡所修之志錄本上之翰林副本存之郡學今四十年矣公

嚴州府志

胡序

乃取而重修之也予嘗觀之舊志所書有若沿革分野疆域山川之類無所損益今則仍之而已其他事物遺者則補之誤者則正之來者則續之而各有微意存焉夫郡置守有貳有判郡之所由治也縣置令有丞有簿縣之所由治也郡縣治守令賢矣生養遂戶口增矣作息均田野闢矣播種時物產登矣衣食充貢賦足矣由是教化行而風俗美焉絃誦聞而學校興焉誠敬將而祀禮舉焉德業修而科目盛焉賢俊用而人物見焉不特此也高尚之士道學之儒世嘗有其人矣而忠臣孝子義夫節婦何代無之哉至若山川之秀鍾於人也或有神靈之及物壇廟之祀

著於今也或有功德之在人矣願終必置之法而刑獄不可無劫盜竊發必加之兵而軍衛不可缺解宇所以出治郵驛所以傳命舟楫橋梁所以濟眾陂塘塌堰所以利農與夫積聚有倉阜財有庫恒孤有院聽訟有亭勸士有坊樂賓有館古蹟有祠於登臨遺事有廣於閱見詩文有關於世教行遠有切於時宜若此之類所以補之正之續之者其亦多矣此外非道之同君子所不與也非理之正聖人所不語也而寺觀仙釋舊志必爲之書以備參考以垂鑒戒者今亦仍之嗟乎命出先朝事因前守創不自乎已也同修者二郡僚校正者一儒生勞不涉乎眾也毫楮之屬一皆給之公儲之餘費不及乎民也不有識見與才力者其能然乎然則一郡事物之舉載誠非小補也而千載文獻之足徵豈非嘉惠哉予辭不敏不獲已而勉爲之序公名德恢東安人一門五世孝友忠義之篤爵位勲業之隆文學科名之著時鮮及云

嚴州府志

胡序

二

呂序

知府 呂昌期

常聞人無幽顯道在則尊地無豐弱人係則靈則郡邑之所由著名可想也士君子立身寰區匪出卽處處不能絕塵全出不能肩鴻鉅無爲貴出處矣余常尙友古先至漢宋間輒津津慕子陵希文其人願爲執鞭而不得歲萬厯庚戌奉天子命來守嚴邦自慙孱弱不足當名郡下車之日見其厥土隘而瘠非有平原沃野之地也城郭淺而庫非有連雲接漢之勝也民遭飢饉之後戶口凋殘非有駸擊肩摩之眾也山麓索石爲田僅收鐘釜非有千倉萬箱之蓄也無根可輪祇以山蠶入帛非有飛芻輓粟舳舻相

嚴州府志

呂序

一

嘲之賦也則竊訝所稱名郡者安在已而偕二三僚友尋幽選勝觀夫錦峯綉嶺競秀爭奇紫綠萬形掩映衣袂又觀夫巨浸奔濤襟江帶海清流澈底可鑒鬚眉游於斯者若骨曳青玉身入鏡中也夫然後知山川形勝之美甲於兩浙他郡邑當避舍矣已又披覽圖牒景仰賢豪坐子陵之釣臺清風習習盈江洛間令人毛髮豎立有飄然人外之想瞻希文之遺像可想其恢宏沉毅舉宇宙內利害劇易之務一力擔當而毫無阻難蓄縮之意雖其他名賢循吏未易悉數卽此兩君子高標偉伐輝映古今他郡邑不當避十舍哉蓋人文地靈默相感召果其人足爲世重卽

無燭異標奇而名山大川必且藉以吐露姿色苟爲不然

雖丹崖碧澗前代所稱爲絕勝者亦若有流渥封蔽澀縮迴却之狀理有固然無足異也國兩縣政通人和百廢具舉而獨所謂郡志者自前守零江楊公纂修以來迄今三十餘年間紀載多闕余不覺慨然曰是不虞久而無徵耶因與諸同寅及六邑令悉心采訪時郡有俞生炳然素稱博雅屬之銓次補葺以俟後之君子會楊公哲嗣致吾秉憲臬司尊人之芳懿益著當書成之日請一言弁諸首而以俚語附末簡抑固是而有感焉夫志猶史也史以褒貶褒端辨若蒼素弗可易也自秦郡縣以來官斯土者不知嚴州府志

呂序

二

凡幾居斯土者亦不知凡幾而某也賢某也不肖如從雲耳諸高曾一一可指數焉後之視今不猶今之視昔耶余謂清任皆人所命而非君子所自居譬之造化露溥月湛豈以清名地負山凝豈以任顯至人之心緇白穴隆都無名相而世俗就其近似者摹之爲清爲任此非君子之願而亦世道之幸也嗟嗟男子七尺之軀負荷謂何余雖以清任類其堂勉希前哲而洞心自省清耶任耶無清任名者耶尙茫乎未有實處也余懼貽山川羞矣敢并以告同志者

錢序

郡守錢廣居太倉

書以誌言亦誌其蹟而不雜質而可稽條分焉而有典要絕類應邵紀泰山封禪事固稱重也其誌山川雲物天人法紀又恍若漁人從桃花源來雞豕桑麻厯厯可數乃糊然覺有靈氣故纂誌書之難較他書更倍嚴州郡志自萬厯年續修於平陵呂公迄今三十餘載後遇方兵作崇原板半燬於祖龍牛沈之穢畊山川人物盡屬烟銷闕文之憾又不止在魯魚帝虎間也嚴雖褊壤有民人焉有社稷焉若令先代文獻無徵不信其何以令後之人不替唏噓憑弔之思

嚴州府志

錢序

一

乎因與諸同寅及六邑令長謀新之而又色然沮也蓋此書闕一郡風教睨於獨則慮管窺之難以測海稽於眾則又患棄舍之消於道旁法從嚴則遺珠漏網之懼深法從寬則石媚玉溫之辨混故與其新也南舊貫不愆不忘率由舊章予小子所以遵前人之法而不敢過也間有一二逸事堪爲誌中點綴畧存之以備參考齊人既有事於蜚林必將有事於泰山禮也予甯守禮以俟後之君子焉爾

任序

知府 任風厚

古來遷固稱良史才遷始創爲八書其後國易書爲志識者謂修史莫難於志則郡國之志視此矣我

皇上御極二十二年審定功成東西侯府之化刑治爰命修一統志以釐定章程整齊倫類與禹貢周官並垂不朽廷臣謂各省通志文獻所關下其事於郡國風厚承乏守郡欣與

盛典竊謂郡之視省猶邑之視郡迭進六屬之長而往復董率且以踰期爲戒復敦聘宿儒晚學含毫焚膏繼晷甫匝月而告竣大抵志之所載方輿賦役禮祀

嚴州府志

任序

一

學政諸書有待於更定者不過十之二三惟官師人物二志每見聞異詞愛憎失實非才學識兼長不能勝任而愉快然千百年間若宋璟杜牧范仲淹曾蒞茲土宋杜遠矣而文正公之遺澤猶能道之則記秩官者非徒爲乎其名也至風厚泛棹嚴灘登子陵釣臺徘徊憑弔與謝暉墓橫對大江乃知此邦名賢高士實有歷頑立懦者興起於前而科名相業自宋元以後無出商文毅右者卽如比歲甲寅寇亂濱遂諸邑與三衢接壤罹禍最先一時烈婦貞女孝子順孫雖各縣詳載志中而蒐羅未及者亦恆有之況

前此零落於殘編斷簡之中湮沒於故老遺黎之口

者可勝道哉故於載筆之餘斟酌損益不敢濫予以傳是不敢失衷以傳最旁搜博採兼聽並觀以期月

之徵求欲補數百年之缺失豈無掛一漏萬貽譏作

者夫亦惟是總其大綱俾方輿賦役禮祀學政之屬明若列眉而於官師人物一篇之中尤兢兢致慎庶

賢者以有所表彰而知勸不賢者以無所紀載而知

懲亦不無少補於萬一也歟時

康熙二十二年歲次癸亥桂月

話授中憲大夫嚴州府知府加二級關中任風厚撰

嚴州府志

任序

二

毛序

國朝

毛際可

遂安進士

陸志舊無可攷即明李公德恢癸丑志本亦散軼不傳厥後惟明呂公昌期志最爲明備嗣是紀載闕然至

皇朝康熙癸丑而始奉修志之檄繼值軍書旁午纂輯之

務遂至中輟癸亥春三月

皇上者定告成海宇清晏復敕直省各以通志進而文獻之徵尤以郡邑爲準郡伯任公聞

命警惕涓吉從事取六邑之掌故而集其成爰敦聘名儒

開局試院聽政稍暇相與書而損益焉而際可濫與

嚴州府志

毛序

珥筆之列例得弁言簡端夫郡邑有志猶國之有文然史一成而不可易而志則不可以不屢修者何也蓋郡邑之志父老子弟傳聞異辭既不若史臣之聞見最真而殘篇斷碑銷蝕湮滅於風雨榛莽之間者又不若合典之頒布可久則因時蒐羅無致失墜俾後來者有所稽考固賢守令之任也即如吾睦踞浙上游夙稱都會名卿碩士先後比肩數十年來法制之修明田畝之懇闢興夫孝子烈婦之流芳端人正士之懿行已有不可勝述者甯得不爲編輯也哉際可章句鄙倍三長淺陋又以

功令嚴切罔敢逾期而各憲見委繼此復有兩浙通志

之役午夜篝燈寢沐幾廢由創始以迄觀成屈指卽

在旬月疎畧之愆或所難免然而核名實昭懲取

舍必嚴愛憎不徇於官師人物之紀尤兢兢致慎以

無失儒先著述之遺意且念

皇朝一統之志亦將於此有取焉不敢以負素心者并貢

國憲或庶幾可以告無罪也夫

嚴州府志

毛序

二

吳序

戊辰之冬余恭膺

簡命出嚴郡抵任之後見一郡之紳士人民沐浴

聖天子之深仁厚澤久道化成戶尚詩書家敦禮讓田野開闢

治法脩明未嘗不稱羨爲浙中一名郡也因思六陸事跡

悉載郡乘必取全志觀之然後斟酌損益措施盡善乃志

書以片久已無存府庫所貯者祇有前守任公風厚抄錄

府志一部書爲草創底稿字句之間頗多舛錯且任藁輯

於康熙癸亥至今又已七十餘載余取而閱之不禁慨然

太忘蓋爲治之道莫先於志乘今自任守以前一郡之事

嚴州府志

吳序

跡僅得於殘編斷簡之中畧存梗概而自任守以後至今

七十餘年一郡之山川名勝田賦戶口土產風俗人物藝

文漫無紀錄散佚甚多若再遲之又久必至烟消雲散無

可參稽余既忝居郡守安可不亟爲編輯乎爰是聘請名

儒開館纂輯共計三十五卷析其類爲十有五分疆畫界

上關於天文下列乎地紀故以星象建置列於前形勢名

勝標帶乎六陸輪奐於千秋故以封域營建列於次人才

首在樂育經曲尤貴脩明則繼之以學校典禮殷薦當嚴

其制田賦預定其規則繼之以秩祀貨食設官分職所以

子惠元元也而若官師若遺愛若武備不可以不詳廷獻

家所所以風勵士庶也而若選舉若人物不可以不載博

考參稽鉅細靡遺穢祥雜技散見於稗史者亦在所不廢

也又以逸事附於其後若夫六陸爲人文淵藪博物君子

後先相望詩文著述名作如林雖彬彬郁郁美不勝收而

擇其有關於民生有裨於風化者分爲藝文上中下三編

以昭一郡文明之盛焉總之余竊此志凡任稿所本有者

刪節其繁無增益其缺失凡任稿所不無者廣詢乎羣賢

博採於輿論焚膏繼晷繩貫珠聯務使考證詳明著述嚴

謹不敢少有罣漏庶乎可以信今而傳後夫宣揚

聖天子之紀綱制度永垂萬世表章郡人士之嘉言懿行昭示

嚴州府志

吳序

來茲者固守土者之職也余豈敢以謏陋無文因循怠廢

以自貽曠官之責乎此志原本任稿又加以七十餘年之

事跡紀載繁多初若汗牛充棟而纂輯成編爲文更減於

舊志文筆不敢縱放持論尤歸簡嚴庶幾乎昔賢事增於

前文省於舊之遺意也是爲序

乾隆二十一年歲次丙子

賜進士出身

誥授中憲大夫浙江嚴州府知府紀錄九次大興吳士進謹序

胡

聖天子奉三無私以勞天下丕日海隅出日罔不率俾百爾有位莫不敬爾在公夙夜兢兢以仰贊

邦隆無外之軌猗歟可不謂極盛者乎維 郡伯吳公

既蒞睦之六年德溥而惠流教行而化洽固已士頌民歌纖悉無憾矣乃猶念典章之垂範政俗之大綱非取資志乘不爲功而舊有郡志以歷歲久遠漫漶殘闕亟賴增修庶足考鏡得失信於今而傳於後爰慨然特取而釐訂之彙羣材之心力經寒暑之兩週損益簡繁斟酌飽滿而觀厥成焉洵乎得爲政之本

嚴州府志

後序

務者而非茭茭粉飾乎治具之爲之也顧余于此竊有說焉今夫仕與學一貫也亦兩途也士人學古入官初則究心浩渺往往汎濫無涯迨一行作吏毋亦惟是程衡律令料檢簿書以整率吏民以期無疎厥職如是已矣若夫居今稽古考獻徵文則遜謝未遑耳今 吳公聽政餘閒獨晨夕手是編博稽眾論翻覆研求有逾於經生之所不屑措意者卽單詞隻義猶必折衷歸於至當雖以書源之不敏而亦得與參末議焉斯誠足以見其志之虛而功之勤且密也其學優而仕者耶抑仕優而學者耶殆未有以測之矣

抑吾聞嚴陵以人傳地不以地傳人閱是編者尙其

尋源探本游神篇籍之外而恍然有會於已成之金

鑑穆然深味乎政治之良圖而用以永昭我

聖朝一道同風之盛且爲後此採風者樹之型焉庶是編

未必無補云爾書既成例得綴數言附於簡次以誌

梗概亦猶蠅聲附驥而馳響於千里也乾隆丙子孟

秋山陰胡書源拜手謹序

嚴州府志

後序

二